

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ ԿԱՊԿՈՒ սովորողի անհատական
թղթապանակ

Կազմեց՝ Մարիաննա Բադալյան Հովհաննեսի
«Կապանի թիվ 3 հատուկ կրթահամալիր»

Ղեկավար՝ Լուսինե Բալայան
«Կապանի N 2 ավագ դպրոց, ՊՈԱԿ»

Կապան 2023

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....3

ԿԱՊԿՈՒ ՍՈՎՈՐՈՂԻ ԱՆՀԱՏԱԿԱՆ ԹՂԹԱՊԱՆԱԿ.....5

ԵԶՐԱԿԱՑՈՒԹՅՈՒՆ.....14

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....15

ՀԱՎԵԼՎԱԾ.....17

ՆԵՐԱԾՈՒԹՅՈՒՆ

Թեմայի արդիականությունը: Կրթության առանձնահատուկ պայմանների կարիք ունեցող (այսուհետև՝ ԿԱՊԿՈՒ) սովորողների լրացուցիչ կրթական ծրագրերին մասնակցելու իրավունքների իրացման, ինչպես նաև այդպիսի աշակերտների ծնողներին իրազեկելու և ներգրավելու գործընթացի ապահովումը ցանկացած զարգացող ու զարգացած երկրի պետական կրթական քաղաքականության կարևորագույն խնդիրներից է: ԿԱՊԿՈՒ սովորողների մասին օրենքը ՀՀ-ում ընդունվել է դեռևս 2001թ. մայիսին, լրացումներ և փոփոխություններ կատարվեցին 2014թ. դեկտեմբերին, իսկ սա նշանակում է՝ ՀՀ-ում շուրջ երկու տասնամյակ է համընդհանուր ներառման գործընթաց է, որը բխում է մարդուն ի ծնե տրված իրավունքներից: Հետևաբար ԿԱՊԿՈՒ սովորողը անպայման պետք է ունենա իր անհատական թղթապանակը, որի շնորհիվ էլ հեշտությամբ կարելի է տեսնել այդ կատեգորիայի սովորողի առաջընթացը կամ հետընթացը: Անհատական թղթապանակի օբյեկտիվ ու հանգամանալից կազմման, սովորողի ընդունակություններին համապատասխանող տվյալների լրացման և օրենքով սահմանված կարգով իրացման ընթացակարգը **արդիական** է մեր օրերի բոլոր տիպի հանրակրթական ուսումնական հաստատություններում արդյունավետ կրթություն և առողջ մտահորիզոնով քաղաքացի դաստիարակելու համար:

Հետազոտական աշխատանքի ուսումնասիրման նյութը ԿԱՊԿՈՒ սովորողի անհատական թղթապանակն է:

Թեմայի ուսումնասիրության նպատակն է հակիրճ ներկայացնել այն ամենը, ինչ ներառում է կրթության առանձնահատուկ պայմանների կարիք ունեցող աշակերտի անհատական թղթապանակը, որը նմանատիպ երեխաներին ուսումնական գործընթացում ներառելու, նրա սոցիալիզացիային նպաստելու ամենակաևոր գործիքներից է, որով փաստորեն կարելի է օգնել ԿԱՊԿՈՒ երեխաներին՝ իրականացնելու իրենց կրթության իրավունքը դպրոցում:

Թեմայի նպատակից բխող խնդիրներն են՝

- Ներկայացնել՝ ինչ է «ԿԱՊԿՈՒ սովորող» արտահայտությունը,

- Կարևորել ԿԱՊԿՈՒ աշակերտի համար սահմանված նպատակները, որոնք ներկայացված են թղթապանակում,
- Ուսումնասիրել՝ ինչ հիմունքներով է կազմվում ԿԱՊԿՈՒ սովորողի անհատական թղթապանակը,
- Կատարել մասնագիտական գրականության և համապատասխան օրինական ակտերի հանգամանալից ուսումնասիրություն:

Աշխատանքի կիրառական նշանակությունը: Թեմայի կիրառական նշանակությունը այն է, որ կատարված ուսումնասիրության արդյունքները կարող են օգտագործվել մանկավարժների, սոցիալական մանկավարժների, ուսուցչի օգնականների, հոգեբանների մի շարք ուսումնասիրություններում՝ կապված ԿԱՊԿՈՒ երեխայի անհատականության ձևավորման և զարգացման վրա շրջապատող միջավայրի ունեցած ազդեցությունից:

Աշխատանքի կառուցվածքը: Աշխատանքը կազմված է ներածությունից, մեկ հիմնական գլխից, եզրակացությունից, գրականության ցանկից, աշխատանքին կցված է դասապլան պարունակող Հավելվածը: Աշխատանքի ընդհանուր ծավալը կազմում է 21 համակարգչային էջ:

ԿԱՊԿՈՒ ՍՈՎՈՐՈՂԻ ԱՆՀԱՏԱԿԱՆ ԹՂԹԱՊԱՆԱԿ

Ներառական կրթության սոցիալական տեսանկյունը նույնքան կարևոր է, որքան ֆիզիկականն ու ակադեմիականը: Սոցիալական ներառումը և պատկանելության զգացումը, իհարկե, անկախ ամեն ինչից կարևոր են, բայց դրանք նաև սերտորեն կապված են դասապրոցեսին մասնակցության, ուսումնական առաջադիմության և հետագա աշխատանքային հաջողությունների հետ, որոնք որպես անհատ տվյալ աշակերտը տանելու է կյանքի այլ ոլորտներ:

Երբ կրթությունը ներառական է, ապա դրանից շահում են երեխան, ընտանիքը, պետությունը և հասարակությունը: Այն կրթության կազմակերպման գործընթաց է, որի հիմքում բոլոր երեխաների, այդ թվում նաև՝ հաշմանդամություն և կրթության առանձնահատուկ պայմանների կարիք ունեցող երեխաների կրթություն ստանալու իրավունքն է: Այն արձագանքում է բոլոր սովորողների բազմազան կարիքներին, մեծացնում է նրանց մասնակցությունը ուսումնական, մշակութային և համայնքային կյանքին և նվազեցնում է կրթությունից նրանց դուրս մնալը: Ներառական կրթությունը ենթադրում է կրթական գործընթաց, որն ուղղված է բոլոր սովորողների կարիքներին, ներառյալ հաշմանդամություն և կրթության առանձնահատուկ պայմանների կարիք ունեցող երեխաներ, բռնությունների ենթարկվող երեխաներ, աշխատող երեխաներ, փախստական կամ տեղահանված երեխաներ, միգրանտներ, աղքատ և չքավոր երեխաներ, լեզվական փոքրամասնություններ, ազգային փոքրամասնություններ, հակամարտությունների հետևանքով որբացած երեխաներ և այլն¹:

Կրթության առանձնահատուկ պայմանների կարիք ունեցող երեխան ժամանակակից հասարակության համար նոր հասկացություն է: Այս տերմինի ի հայտ գալը վկայում է մեր հասարակության հասունացման մասին. այն դառնում է առերեսվել հատուկ կարիքներ ունեցող երեխայի հետ, լինի դա հաշմանդամություն ունեցող երեխա, թե պարզապես հայտնվել է կյանքի դժվարին իրավիճակում:

¹ Ներառական կրթություն, Ուսումնամեթոդական ձեռնարկ, Երևան, 2017:

<https://innostud.am/application/library/4b0d3123.pdf> :

Յուրաքանչյուր երեխա և մեծահասակ յուրօրինակ և յուրահատուկ է յուրովի, և, հետևաբար, նրանցից յուրաքանչյուրն ունի իր անհատական կարիքները. ինչ-որ մեկը պետք է վիտամիններ ընդունի, ինչ-որ մեկը պետք է թաքնվի արևից ավերգիայի պատճառով կամ չուտի ելակ կամ քաղցրեղեն, ինչ-որ մեկին պետք է լռություն կենտրոնանալու համար, և ինչ-որ մեկին դասական երաժշտություն: Եթե նկատի ունենք կոնկրետ ներառական կրթությունը, ապա ճիշտ է ասել «կրթության առանձնահատուկ պայմանների կարիք ունեցող երեխաներ»: Եվ սա, ի դեպ, միակ դեպքն է, երբ ճիշտ է «առանձնահատուկ» ասելը: Կարևոր է ընդգծել, որ կրթության առանձնահատուկ պայմանների կարիք ունեցող երեխան մինչև 18 տարեկան անձն է, ով լրացուցիչ աջակցություն է պահանջում կրթական գործընթացում: Ո՞վ կարող է լինել.

- հաշմանդամություն ունեցող երեխաներ,
- կյանքի դժվարին պայմաններում գտնվող ընտանիքների երեխաներ,
- փողոցային երեխաներ,
- ՄԻԱՎ/ՉԻԱՀ-ով ապրող երեխաներ,
- ծնողական խնամքից զրկված երեխաներ և այլք²:

Երեխան, որը հիվանդության կամ այլ պատճառներով ժամանակավորապես դուրս է մնացել ուսումնական գործընթացից, նույնպես դառնում է հատուկ կրթական կարիք ունեցող երեխա, քանի որ կարող է լրացուցիչ ժամանակ պահանջվել հասակակիցների հետ հասնելու համար: Առանձնահատուկ կարելի է համարել նաև այն երեխային, ով տաղանդավոր է և իր հատկանիշներով, գիտելիքի, իմացության մակարդակով տարբերվում է բոլորից:

Կրթության առանձնահատուկ պայմանների կարիք ունի «ուսուցման հետ կապված դժվարություններ, այդ թվում՝ զարգացման ֆիզիկական կամ մտավոր առանձնահատկություններ ունեցող այն անձը, սովորողը, որի կողմից հանրակրթական հիմնական ծրագրերը յուրացվելու համար անհրաժեշտ են

² Ներառական կրթության ռազմավարություններ

<https://www.unicef.org/armenia/media/3501/file/%D5%86%D5%A5%D6%80%D5%A1%D5%BC%D5%A1%D5%AF%D5%A1%D5%B6%20%D5%AF%D6%80%D5%A9%D5%B8%D6%82%D5%A9%D5%B5%D5%A1%D5%B6%20%D5%BC%D5%A1%D5%A6%D5%B4%D5%A1%D5%BE%D5%A1%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80.pdf>

կրթության առանձնահատուկ պայմաններ»։ Կրթության առանձնահատուկ պայմաններն օրենքով սահմանվում են՝ որպես «հանրակրթական հիմնական ծրագրի յուրացմանը նպատակաուղղված առարկայական ծրագրերի և ուսուցման մեթոդների, ուսուցման անհատական տեխնիկական միջոցների, հարմարեցված միջավայրի, ինչպես նաև մանկավարժական, սոցիալական և այլ ծառայությունների ամբողջություն»³, - նշված է ԿԱՊԿՈՒ սովորողի վերաբերյալ ՀՀ օրենքի Հոդված 3, կետ 10.15-ում։

Կարևոր է նաև նշել, որ ներառական կրթությունը չի վերաբերում միայն հաշմանդամություն ունեցող երեխաների կրթությանը. այն պետք է օգտակար լինի բոլոր երեխաներին և կենտրոնացած բոլորի կրթական կարիքների վրա՝ բոլոր սովորողների համար ապահովելով որակյալ կրթություն և սոցիալական ներառում, եթե նկատվում է աշակերտի մոտ շեղում համընդհանուր մակարդակից։ Դասը դառնում է ներառական, երբ ուսուցիչը կարողանում է կազմակերպել երեխաների համատեղ գործունեությունը, առաջադրանքներ տալ բոլորին և տեսնել բոլորին։ Կարևոր է նաև, որ ուսուցիչը իմանա, թե ինչպես է ընթանում զարգացումը, և ոչ միայն տիրապետի առարկայական նյութին։ Դպրոցում մենք ոչ միայն գիտելիք ենք փոխանցում, այլև երեխային սովորեցնում ենք ճիշտ վերաբերվել իրեն, ուրիշներին ու աշխարհին։

Հաջող ընդգրկման համար անհրաժեշտ են յուրաքանչյուր դպրոց ունենա բազմամասնագիտական թիմ՝ հոգեբաններ, հատուկ մանկավարժներ, լոգոպեդներ. մարդիկ, ովքեր հասկանում են և գիտեն ԿԱՊԿՈՒ երեխայի զարգացման առանձնահատկությունները, կարող են կազմել հոգեբանական աջակցության ծրագիր և օգնել ուսուցչին գտնել ճիշտ մոտեցում աշակերտին դասավանդելու հարցում. Ուսուցիչների մոտ 90%-ը կարիք ունի մասնագետների աջակցության։ Յուրաքանչյուր դպրոցում ուսուցիչների համար կարևոր է քննարկում ունենալ ԿԱՊԿՈՒ երեխաների մասին, կիսվել փորձով և սովորել միմյանցից։

³ «Կրթության առանձնահատուկ պայմանների կարիք ունեցող անձանց կրթության մասին» ՀՀ օրենք <https://www.arlis.am/documentview.aspx?docid=67166>

Մեր օրերում, փաստորեն, ԿԱՊԿՈՒ սովորողների սոցիալական ներառմանը նպաստելու մեծ պատասխանատվությունը միայն ընտանիքների վրա չպետք է դնել: Վճռականությունը, ստեղծագործական մոտեցումը և արդյունավետ պլանավորումը կարող են օգնել ԿԱՊԿ ունեցող երեխաներին և երիտասարդներին իրենց դպրոցներում և համայնքներում ստեղծելու և պահպանելու արժեքավոր սոցիալական հարաբերություններ՝ իրենց զգալով հոգեբանորեն ներառված ու ընդունված: Այդ նպատակին հասնելու համար ուսուցիչները, մասնագետները, հասակակիցները, ծնողները և իրենք՝ ԿԱՊԿ ունեցող աշակերտները պետք է գործադրեն միասնական ջանքեր: Կրթության առանձնահատուկ պայմանների կարիք ունեցող բոլոր երեխաների լիարժեք ներառում ապահովող դասարանի, դպրոցական կամ համայնքային միջավայրի ստեղծումը կարող է մարտահրավերով հարուստ լինել: Արդյունքի կարելի է հասնել, եթե այս նպատակի համար միավորվեն աշակերտների, ուսուցիչների, մասնագետների, դպրոցների ղեկավարների և ծնողների ջանքերը: Կարևոր է վերաբերմունքը կրթության առանձնահատուկ պայմանների կարիք ունեցող աշակերտների ներառման ընդլայնման նկատմամբ. եթե դրան վերաբերվում են որպես անհնարին գործի, ապա արդյունավետությունը խիստ նվազում է, իսկ եթե ներառումը համարվում է հաղթահարելի մարտահրավեր, շատ ավելի հավանական է, որ բոլոր մասնակիցները՝ հաշմանդամություն ունեցող և չունեցող աշակերտները, ընտանիքների անդամները և համայնքի ներկայացուցիչները հետաքրքրված լինեն ու ձգտեն հասնելու այս արդյունքին: Միայն է ենթադրել, թե ֆիզիկական ներկայությունը կապահովի սոցիալական և/կամ հոգեբանական ներառում: Դպրոցները և ընտանիքները պետք է աշխատեն աշակերտների հետ, որպեսզի ստեղծեն մթնոլորտ, որտեղ առկա է փոխըմբռնումը, հարգանքը և դրական սոցիալական փոխգործակցությունը: Դպրոցները, որտեղ կրթության առանձնահատուկ պայմանների կարիք ունեցող աշակերտներն իրենց զգում են սոցիալապես և հոգեբանորեն ներառված, բնորոշ է այնպիսի մթնոլորտ, որտեղ բազմազանության բոլոր տեսակները ոչ միայն ընդունվում են, այլև ողջունելի են:

Շատ հաճախ ենթադրվում է, որ կրթության առանձնահատուկ պայմանների կարիք ունեցող աշակերտները չունեն, կամ առանձնապես չունեն ուժեղ կողմեր կամ շնորհներ: Կրթության առանձնահատուկ պայմանների կարիք ունեցող

աշակերտների անհատական կարողությունների բացահայտումը և ուրիշներին դրանց մասին տեղեկացնելը կարևոր է նրանց սոցիալական և հոգեբանական ներառման համար: Նման իրազեկումը ոչ միայն կարող է փոխել հասակակիցների վերաբերմունքը, այլև կարող է ծառայել որպես ներառմանը նպաստող գործոն:

Վերոնշյալ արդյունքներին հասնելու համար դպրոցում համապատասխան մասնագետները, որոնք աշխատում են ԿԱՊԿՈՒ աշակերտների հետ, պետք է ստեղծեն յուրաքանչյուրի **անհատական թղթապանակը**, որի ստեղծումը ստեղծագործական գործընթաց է, որը թույլ է տալիս ուսուցման ընթացքում հաշվի առնել ԿԱՊԿՈՒ աշակերտի ստացած արդյունքները տարբեր գործողություններում և տարբեր ժամանակահատվածներում: Անհատական թղթապանակը աշակերտի կրթական գործունեության արդյունքների գնահատման ժամանակակից արդյունավետ հնարք է:

ԿԱՊԿՈՒ երեխայի անհատական թղթապանակը ներառում է՝

- Մանկավարժահոգեբանական աջակցության ծառայություն ստացող յուրաքանչյուր երեխայի համար, նախքան աջակցության ծառայություն տրամադրելը, կազմվում է անհատական գործի թղթապանակ (այսուհետ՝ անհատական թղթապանակ), որը ներառում է երեխայի դպրոցական և տարածքային մակարդակների գնահատման արդյունքների արձանագրությունը, ԱՈՒՊ-ը, ինչպես նաև վերջինիս կից փաստաթուղթ՝ մանկավարժահոգեբանական աջակցության ծառայությունների անհատական պլան՝ ՄԱԾԱՊ, անձնական տվյալները, վկայագիրը, երեխային տրամադրվող ծառայությունների ժամանակացույցը, երեխայի զարգացման վերաբերյալ հավաքագրած և արձանագրած ցանկացած տեղեկատվություն և դրա հետ կապված այլ նյութեր (լուսանկար, տեսանյութեր, երեխայի աշխատանքներ և այլն):
- Երեխայի անհատական թղթապանակի պատասխանատուները համապատասխանաբար հաստատության տնօրենի՝ ուսումնական աշխատանքի գծով և տարածքային կենտրոնի տնօրենի տեղակալներն են:
- Երեխայի անհատական թղթապանակի և նրա անձնական կյանքի տվյալները գաղտնի են և չեն փոխանցվում երրորդ անձանց՝ առանց ծնողի գրավոր

համաձայնության: Տվյալների փոխանցումը երրորդ անձանց՝ առանց ծնողի համաձայնության, հնարավոր է միայն ՀՀ օրենքով սահմանված կարգով և դեպքերում:

Ըստ վերոնշյալ առաջին կետի՝ ԿԱՊԿ ունեցող աշակերտի անհատական թղթապանակի կարևորագույն բաղադրիչներից է դպրոցական մակարդակի գնահատումը: Եթե կրթության ցանկացած փուլում սովորողի մոտ նկատվում են կայուն դժվարություններ, որոնք խանգարում են նրան իր կարողությունների չափով մասնակցություն ունենալ ուսուցման և ուսումնառության գործընթացում, ապա ուսուցիչը, համաձայնեցնելով սովորողի ծնողի հետ, գրավոր դիմում է դպրոցի տնօրենին՝ իրականացնելու սովորողի դպրոցական մակարդակի Գնահատում: Դիմումը ստանալու օրվանից եռօրյա ժամկետում հաստատության տնօրենը հրաման է տալիս դպրոցի մանկավարժահոգեբանական աջակցության խմբին իրականացնել սովորողի դպրոցական մակարդակի գնահատում: Դպրոցական մակարդակի Գնահատումը սկսվում է դիտարկումով, որը տեղի է ունենում սովորողի բնականոն միջավայրում՝ դասադրոցեսի ընթացքում, դասամիջոցին, արտադասարանական կամ արտադպրոցական միջոցառումների ժամանակ:

Ուսուցիչը՝ որպես դիտարկում իրականացնող գլխավոր անձ՝ համագործակցելով դպրոցի մանկավարժահոգեբանական աջակցության խմբի, դասավանդող այլ ուսուցիչների և սովորողի ծնողների հետ, որոշակի ժամանակահատվածում, դիտարկման միջոցով, հավաքագրում է համապատասխան տեղեկատվություն սովորողի կարողությունների, հետաքրքրությունների, անձնային որակների, կարիքների ու դժվարությունների, հասակակիցների հետ փոխհարաբերությունների և այլնի մասին: Սովորողի հնարավորությունների, կարիքների և զարգացման առկա մակարդակի դիտարկումը շատ կարևոր է նրա հետագա ուսումնառությունը պլանավորելու և կազմակերպելու համար: Գնահատման այս փուլը, որը ներառում է սովորողի ուսուցիչների և այլ մանկավարժահոգեբանական աշխատողների դիտարկման արդյունքների ուսումնասիրությունն ու վերլուծությունը, տևում է 10-15 օր՝ ծնողի գրավոր դիմումի ընդունման օրվանից հաշված⁴:

⁴ <http://www.arlis.am/DocumentView.aspx?DocID=113152>

Դիտարկման արդյունքների հիման վրա լրացվում է «Երեխայի գործունեության գնահատման գործիք»-ը, իսկ արդյունքները արձանագրվում են «Դպրոցական մակարդակի գնահատման արդյունքների գրանցման թերթիկ» ձևաթղթում: Եթե սովորողի դպրոցական մակարդակի գնահատման արդյունքների վերլուծությունը չի վկայում սովորողի մոտ որևէ ֆունկցիայի խանգարման հավանականություն, ապա մանկավարժահոգեբանական աջակցության խումբը մշակում է «Կանխարգելիչ միջամտությունների պլան»՝ ծառայությունների տրամադրման և միջավայրային հարմարեցումների վերաբերյալ (դասավանդման մեթոդներ, տեղի և դասասենյակի վերադասավորումներ, ժամանակի կազմակերպում և այլն):

Այսպիսով, կրթության առանձնահատուկ պայմանների կարիք ունեցող երեխաների գնահատման նպատակն է բացահայտել երեխայի մասնակցությունը և ակտիվությունը գործունեության բոլոր բնագավառներում, նրա ուժեղ և թույլ կողմերը, կրթության կազմակերպման համար անհրաժեշտ խթանող միջավայրը:

ԿԱՊԿՈՒ աշակերտի անհատական թղթապանակի հիմքը նախապես կազմված ԱՈՒՊ-ի արդյունք է և անընդհատ փոփոխվող մի փաստաթուղթ, որի իրականացումը աշակերտին կտանի դեպի իրական ներառում ու հարմարեցում միջավայրին: Թե ինչ խորությամբ է առանձին աշակերտը դիտարկվում որպես դժվարություններ ունեցող, կարող է պայմանավորված լինել մի շարք գործոններով, որոնք էլ արտացոլվում են անհատական թղթապանակում: Հատկապես անհրաժեշտ է նշել, որ դպրոցի միջավայրը՝ կազմակերպվածությունը, կիրառվող մեթոդները, տիրող վերաբերմունքը, կարող է կենտրոնական դեր ունենալ աշակերտի անհատական որակները դժվարությունների վերագրելու հարցում:

Ի դեպ, ԱՈՒՊ-ը «...հանրակրթության պետական և առարկայական չափորոշիչների, ծրագրերի և երեխայի կրթության առանձնահատուկ պայմանների կարիքի հիման վրա կազմված փաստաթուղթ է, որը սահմանում է սովորողի կրթության կազմակերպման տարեկան նպատակը, խնդիրները և դրանց հասնելու գործողությունները(ներառյալ աջակցող ծառայությունները): Ընդ որում աջակցող ծառայությունները սովորողին տրամադրվում են դասերից հետո՝ ըստ որոշված ծավալի և տևողության, սակայն օրական 1,5 ժամից ոչ ավելի»⁵: ԱՈՒՊ-ը մշակվում է

⁵ «Կրթության առանձնահատուկ պայմանների կարիք ունեցող անձանց կրթության մասին» ՀՀ օրենք

միայն այն երեխայի համար, ով ունի կրթության առանձնահատուկ պայմանների կարիք և առանց անհրաժեշտ ծրագրային պարզեցումների և հարմարեցումների չի կարող հասնել իր կրթության նպատակներին⁶:

Կարևորն այն է, որ թղթապանակի դիտարկված ախտորոշումը, որն ընդգծում էր աշակերտի թերությունները, այլևս չի դիտարկվելու: Հիմնական մոտեցումը պետք է բխի այն գաղափարի ընդունումից, որ յուրաքանչյուր աշակերտ կարող է սովորել և ստեղծագործել: Դպրոցը պետք է պատասխանատվություն կրի ստեղծելու այնպիսի միջավայր, որ յուրաքանչյուր աշակերտ կարողանա սովորել և ստեղծագործել: Դպրոցի միջավայրը պետք է միտված լինի զարգացնելու յուրաքանչյուր աշակերտի ներուժը և կարողությունները:

Կազմակերպվածությունն ու ռեսուրսների հատկացումը պետք է բավարար չափով ձկուն լինեն, որպեսզի հնարավոր լինի անհրաժեշտ աջակցությունը տրամադրել անմիջապես դասարանում: Կրթության հետ կապված խնդիրները, որ աշակերտները կարող են ունենալ, պետք է շարունակաբար քննարկվեն դպրոցի մանկավարժների և հատուկ մանկավարժական աջակցության թիմի անդամների հետ համատեղ՝ ուշադրության կենտրոնում պահելով անհատական թղթապանակի գրանցումները, համապատասխան բաժնի փոփոխությունները: Դրա նպատակն է հնարավորինս վաղ կանխել հնարավոր խնդիրները՝ արագ առաջարկելով հնարավոր լուծումներ, իսկ ահա այս արդյունքի համար շատ կարևոր է հատուկ ուշադրություն դարձնել թղթապանակի բովանդակության և իրականության համապատասխանեցման վրա: Անհատական թղթապանակի դրական կողմերից բացի, որպես մանկավարժ, կարող ենք նշել այն կարևոր հանգամանքը, որ թղթապանակի բովանդակությունը հաճախ կրում է սուբյեկտիվ բնույթ, հետևաբար բովանդակության և իրականության համընկնումը հաճախ կարող է խաթարվել:

Երեխայի անհատական թղթապանակի բովանդակությունը կախված է տվյալ երեխայի համար առաջարկված ու նախատեսված ուսուցման կոնկրետ նպատակներից: Անհատական թղթապանակը կազմելիս ինչի⁶ վրա հատկապես պիտի

<https://www.arlis.am/documentview.aspx?docid=67166>

⁶ Թադևոսյան Ս. Անհատական ուսուցման պլանի մշակման,- մեթոդական ուղեցույց-ձեռնարկ, Երևան, 2016, էջ 41:

ուշադրություն դարձնեն մասնագետները: Առաջին հերթին, իհարկե, նման երեխաների կրթությունը պահանջում է որոշակի միջավայրի ստեղծում, որի տարրերն օգնում են լուծել նախ կենցաղային հարցերը, հետևաբար ակադեմիական գիտելիքների բարելավումից առավել պետք է ուշադրություն դարձնեն սոցիալական մոտիվին:

ԿԱՊԿՈՒ աշակերտի անհատական թղթապանակի մշակումը ենթադրում է մի շարք նպատակների իրականացում՝ հարմարեցված կրթության ժամանակակից բովանդակությանը, ինչպիսիք են՝

- Անհատական ուսուցում և մոտեցում,
- Կրթության անհատականացում,
- Անհատականացված ուսուցման տեխնոլոգիաների մշակում,
- Կենտրոնացում կոնկրետ նպատակների վրա,
- Ուսուցման անհատականացված հայեցակարգերի կիրառում,
- Անհատական հատկանիշների սիստեմատիկ բացահայտում և այլն:

Անհատական թղթապանակի իրական ու տվյալ երեխային համապատասխան տվյալներ ունենալու նպատակով մասնագետները, ովքեր աշխատում են երեխայի հետ, պետք է անպայման համագործակցեն կրթական գործընթացի բոլոր մասնակիցների՝ ծնողների, երեխաների, ուսուցիչների, համապատասխան այլ մասնագետների և հաստատության վարչական այլ աշխատողների հետ, կանխորոշել սեփական անելիքները և ասելիքները յուրաքանչյուր օղակի հետ՝ սովորողի կարիքներին համապատասխան արձագանքելու համար:

ԿԱՊԿՈՒ աշակերտի անհատական թղթապանակը մշակելիս անհրաժեշտ է հենվել որոշ սահմանված մակարդակների վրա, որոնք կարող են արտացոլել աշակերտի անհատական հատկանիշները, մասնավորապես.

- Հոգեֆիզիկական զարգացման մակարդակը,
- Մոտիվացիայի մակարդակը,
- Մտավոր զարգացման մակարդակը,
- Ընդհանուր գիտելիքների և մասնավորապես մշակվող ծրագրի բովանդակության վերաբերյալ իրազեկվածության մակարդակը,
- Իրավասությունների զարգացման մակարդակ,

- Առանձին գրագիտության՝ տեղեկատվական, ֆունկցիոնալ, լեզվական, ձևավորման մակարդակ՝ կախված մշակվող ծրագրի բովանդակությունից և թեմատիկ ուղղվածությունից:

ԿԱՊԿ ունեցող աշակերտի համար նախատեսված քայլաշարը դասաժամի համար նախատեսված օրվա դասապլանում անպայման պիտի լինի: Օրվա դասապլանի օրինակը տեսնել Հավելված բաժնում:

ԵԶՐԱԿԱՑՈՒԹՅՈՒՆ

Ուսումնասիրելով «ԿԱՊԿՈՒ սովորողի անհատական թղթապանակը» թեման և վերլուծելով թեմային համապատասխան գրականությունը, գիտական հոդվածները, ուսումնական ձեռնարկները, օրինական ակտերը՝ եկանք այն եզրակացության, որ երբ կրթությունը ներառական է, ապա դրանից շահում է աշակերտը, ընտանիքը, պետությունը, ի վերջո հասարակությունը: ԿԱՊԿ ունեցող սովորողների ներառումը հետապնդում է հենց այս նպատակը, իսկ նպատակին հասնելու համար անհրաժեշտ է տվյալ երեխայի հետ աշխատող թիմին ունենալ համակարգված ու օբյեկտիվորեն ստեղծված տվյալների բազա, որն էլ անվանում են ԿԱՊԿ ունեցող աշակերտի անհատական թղթապանակ: Անհատական թղթապանակը ներառում է սովորողի անձնական տվյալները, ծնողի համաձայնագիրը, վկայագիրը, դպրոցական կամ տարածքային մակարդակների գնահատման արդյունքները, ԱՌԻՊ-ը, ՄԱԾԱՊ-ը և այլն: Անհատական թղթապանակը կազմելիս մասնագետը պետք է անպայման զերծ մնա սուբյեկտիվ որևէ կարծիք արտահայտելուց կամ գրանցելուց: Ցանկացած դրական կամ բացասական փոփոխություն պետք է անպայման գրանցվի թղթապանակի համապատասխան բաժնում: Այս ամբողջ փաթեթը նպատակ ունի ապահովել ԿԱՊԿՈՒ սովորողի իրավունքները, նրան դարձնել հասարակության լիիրավ անդամ, կանխել սոցիալակն մեկուսացումը, իսկ այս ամենի երաշխավորողը պետությունն է, իրականացնողը՝ մենք՝ ուսուցիչներս, մանկավարժահոգեբանական աջակցության աշխատակիցները: Փաթեթի պատասխանատուներն են ուսումնական հաստատության տնօրենը և ուսումնադաստիարակչական մասով փոխտնօրենը, իսկ փաթեթի պարունակության վերաբերյալ որևէ տեղեկության արտահոսք արգելվում է խստիվ:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Թադևոսյան Ս. Անհատական ուսուցման պլանի մշակման, մեթոդական ուղեցույց-ձեռնարկ, Երևան, 2016:
2. «Կրթության առանձնահատուկ պայմանների կարիք ունեցող անձանց կրթության մասին» ՀՀ օրենք
<https://www.arlis.am/documentview.aspx?docid=67166> :
3. Ներառական կրթության ռազմավարություններ
<https://www.unicef.org/armenia/media/3501/file/%D5%86%D5%A5%D6%80%D5%A1%D5%BC%D5%A1%D5%AF%D5%A1%D5%B6%20%D5%AF%D6%80%D5%A9%D5%B8%D6%82%D5%A9%D5%B5%D5%A1%D5%B6%20%D5%BC%D5%A1%D5%A6%D5%B4%D5%A1%D5%BE%D5%A1%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80.pdf> :
4. Ներառական կրթություն, Ուսումնամեթոդական ձեռնարկ, Երևան, 2017:
<https://innostud.am/application/library/4b0d3123.pdf> :
5. <http://www.arlis.am/DocumentView.aspx?DocID=113152>

ՀԱՎԵԼՎԱԾ

Օրվա դասի պլան 11

Հովհ. Թումանյան , Ամենից լավ տունը /Դաս 2/

Առարկա	Մայրենի /հեղինակներ՝ Վ. Սարգսյան և ուրիշներ/
Ուսուցչուհի	Մարիաննա Բադալյան
Դասարան	3-րդ
Աշակերտներ	8
Դասի մեթոդներ	«Հնգյակի մեթոդ», «Շարադրություն 10 րոպեում», «Երկու աստղիկ, մեկ դրոշակ», «Պրիզմա», «Մտազրոհ»
Թեմա	Հովհ. Թումանյան , Ամենից լավ տունը /էջ 14/
Նպատակ	Ձևավորել՝ <ul style="list-style-type: none"> • Ավելի լավ ճանաչել սեփական հայրենիքը, տունը, դրա հետ կապված պատմությունները • Ծանոթանալ ազգային արժեքներին, որը սկսվում է տնից, • Ինքնուրույն բնութագրել իրենց տունը
Ակնկալվող վերջնարդյունքներ	<ul style="list-style-type: none"> • Ճանաչել և սիրել իր հայրենիքը, տունը • Իմանալ ծննդավայրի կարևորությունը, որն է հայրենի տան տարբերակիչ առանձնահատկությունը այլ տներից • Կարողանալ արտահայտիչ կարգալ և վերարտադրել մտքերը, կառուցի կապակցված խոսք: • Ստանձնի տարբեր դերեր խմբային աշխատանքների քննարկումների ժամանակ: • Պատմի դիտածը, ընթերցածը, արտահայտի սեփական զգացմունքները, ցանկությունները:

	<ul style="list-style-type: none"> • Իմանա տեքստում առկա բառերի հոմանիշներ, հականիշներ, ուղղագրությունը
<p>Կապը ՀՊԶ-ով սահմանված վերջնարդյունքների հետ</p>	<p>1) ազատ գրավոր և բանավոր հաղորդակցվի գրական հայերենով, կարդա, հասկանա, վերարտադրի պարզ գեղարվեստական և տեղեկատվական տեքստեր, ձևակերպի տեքստի հիմնական գաղափարը (ազգային փոքրամասնությունների պարագայում կարող է նաև իր մայրենի լեզվով, իսկ կրթության առանձնահատուկ պայմանների կարիքի դեպքում՝ համապատասխան այլընտրանքային հաղորդակցման միջոցով)։</p> <p>8) դրսևորի տրամաբանական և ստեղծագործական մտածողություն, կարողանա անդրադառնալ ու արձագանքել սեփական և ուրիշների ստեղծած աշխատանքին.</p> <p>16) ճանաչի իր հայրենիքը, ներկայացնի տեղեկություններ</p> <p>18) ճանաչի և հոգատար վերաբերմունք ցուցաբերի իր բնակավայրի և համայնքի բնության և պատմամշակութային ժառանգության օբյեկտների հանդեպ.</p> <p>25) ճանաչի և համադրի տարբեր զգայարաններով ստացած տեղեկությունները, կիրառի դրանք աշխարհաճանաչողության գործում.</p> <p>26) արտահայտի սեփական մտքերը, զգացմունքները, կարիքները և ցանկությունները, գիտակցի իր յուրահատուկ լինելը.</p>
<p>Խաչվող հասկացություններ</p>	<p>Անհատներ և հարաբերություններ.</p> <p>Ինքնաճանաչում, սեփական դերի գիտակցում, պարտականությունների ստանձնում և իրավունք ների իրացում:</p> <p>Անհատական և մշակութային արժեհամակարգ.</p>

	<p>Անհատ – հասարակություն փոխկախվածությունը, մարդու ստեղծած արժեքների ազդեցությունը:</p> <p>Պատճառ -հետևանք</p> <p>Անհատի որոշումները և դրանց հետևանքները նրա և միջավայրի վրա</p>
<p>Միջառարկայական կապեր</p>	<ul style="list-style-type: none"> ➤ Հասարակագիտություն- անհատի դերը իր տունը և հետևաբար սոցիալական միջավայրը գնահատելու և արժևորելու հարցում ➤ կերպարվեստ- դասագրքի և համացանցից վերցված նկարների դիտում , քննարկում, ինքնարտահայտում գույների միջոցով ➤ Երաժշտություն- թեմայի վերաբերյալ երգի ունկնդրում ➤ Հայոց լեզու- բանավոր և գրավոր ճիշտ, գրագետ, փաստարկված խոսքի կառուցում, քերականական անցած նյութի իմացություն ➤ Տեխնոլոգիա- թեմայի շրջանակում համապատասխան դեկորի ստացում, օրինակ, տուն՝ որպես Թումանյանի նկարագրած խրճիթը ➤ Գրականություն-ընթերցում, ունկնդրում
<p>Առաջարկվող գործունեության ձևեր</p>	<ul style="list-style-type: none"> • Դասագրքի նյութի ընթերցանություն, • սահիկաշարի կամ տեսանյութի դիտում , քննարկում • երևակայական ճանապարհորդություն դեպի երազանքների տուն • նկարի վերլուծություն • դերային (կերպարային) ուսուցում / ցանկալի է ԿԱՊԿՈՒ աշակերտի ներգրավվում կամ համապատասխան այլընտրանքային հաղորդակցման միջոցի կիրառում/

<p>Անհրաժեշտ պարագաներ</p>	<p>Ուսումնական նյութեր, դասագիրք, համակարգիչ, նկարներ</p>
<p>Դասի ընթացքը</p>	<ul style="list-style-type: none"> ➤ Դասարանում նախապես կախվում է Թումանյանի և նրա հայրենական տան մեծադիր նկարը, որոնք դիտելուց հետո երեխաները պետք է իրենց խմբերում նկարեն իրենց տունը և համեմատեն Թումանյանի տան հետ: Երեխաները նախօրոք բաժանված և նստած են 3 խմբով՝ առաջինում 4 հոգի, երկու խմբում էլ՝ 5 հոգի, յուրաքանչյուր խմբում կա մեկական ԿԱՊԿՈՒ աշակերտ՝ Դաունի համախտանիշ, աուտիկ սպեկտրի խանգարում ունեցող/ աուտիկ, և թեթև մտավոր հետամնացություն ունեցող, որի նպատակն է ներառում և համամասնություն: ➤ Ուսուցիչը նախապես կարդում է դասը՝ ներկայացնելով մարդկային կարոտը՝ ըստ բանաստեղծական տողերի, խոսում հայրենի տան ու կարոտի մասին: Հենց այդ ժամանակ էլ աշակերտների օգնությամբ փակցնում դասագրքի ասույթը. «Կարոտից է առաջ գալիս ամեն բարձր բան»: ➤ Կիրառվում է քարտային աշխատանք հնարը, յուրաքանչյուր աշակերտ կպչուն թղթերի վրա գրում է , թե ինչ կամ ում է հիմա կարոտում՝ փակցնելով ասույթի պաստառին / ԿԱՊԿՈՒ աշակերտը ըստ համապատասխան այլընտրանքային հաղորդակցման/ ➤ Կարդում են աշակերտները ուսուցչի նշած հատվածը, քննարկում, ԿԱՊԿՈՒ աշակերտներից ԴԱՈՒՆԻ համախտանիշով և աուտիզմ ունեցող աշակերտներին հանձնարարում են որևէ աշակերտից հետո կրկնել տողը, իսկ, օրինակ, թեթև մտավոր հետամնաց

	<p>աշակերտը կարող է հարցերի միջոցով ներգարվել դասին:</p> <ul style="list-style-type: none"> ➤ Օգտվել «2 աստղիկ և 1 դրոշակ» մեթոդից ➤ լրացնել «ԳՈՍ» աղյուսակը/ ԿԱՊԿՈՒ աշակերտը պարզապես կարող է գրել իր իմացած որևէ տառ/ ➤ Ունկնդրել Արաբո Իսպիրյանի «Տուն իմ հայրենի» նախապես ընտրված երգը ➤ Տնային աշխատանք- «Ամենից լավ տունը» շարադրություն կամ նկարեն իրենց տունը / ԿԱՊԿՈՒ աշակերտը ըստ համապատասխան այլընտրանքային հաղորդակցման՝ հիմք ընդունելով ԱՌԻՊ-ը:
Գնահատում	Կատարվում է միավորային գնահատում/ փոխադարձ գնահատում